

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM

*Komisija za izbor i imenovanje/
Povjerenstvo za izbor i imenovanje*

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ПАРЛАМЕНТ ФЕДЕРАЦИЈЕ
ПРЕДСТАВНИЧКИ ДОМ

Комисија за избор и именовање

Broj: 01/6-02-940/25-1
Sarajevo: 23. 4. 2025. godine

**PREDSTAVNIČKOM DOMU
PARLAMENTA FEDERACIJE BOSNE I HERCEGOVINE**

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 24-04-2025

Org. jed.	Broj	Priloga	Vrijednos

B

Komisija za izbor i imenovanje Predstavničkog doma Parlamenta Federacije Bosne i Hercegovine na 13. sjednici, održanoj 23. 4. 2025. godine, razmatralo je sljedeći:

DNEVNI RED

1. Razmatranje zahtjeva za razrješenje predsjedatelja Predstavničkog doma Parlamenta Federacije Bosne i Hercegovine, broj: 01,01/c-02-823/25 od 4. 4. 2025. godine, predlagač: Mirza Čelik
2. Razmatranje prijedlogâ u vezi s formiranjem Odbora za istragu i praćenje aktivnosti u vezi sanacijom šteta prouzrokovanih poplavama i klizištima iz oktobra 2024.godine
3. Tekuća pitanja
 - a) Prijedlog izmjene člana Zajedničke radne grupe Komisije za izbor i imenovanje oba doma Parlamenta FBiH iz Doma naroda, broj 02-02-645/24 od 20.3.2025.godine

Na osnovu člana 44. Poslovnika Predstavničkog doma Parlamenta Federacije Bosne i Hercegovine, Komisija Domu podnosi sljedeći:

IZVJEŠTAJ

AD-1 Razmatranje zahtjeva za razrješenje predsjedavajućeg Predstavničkog doma Parlamenta Federacije Bosne i Hercegovine, broj:01,01/c-02-823/25 od 4.4.2025.godine, predlagač: Mirza Čelik

Zastupnik Demokratske fronte gosp. Mirza Čelik je uputio Zahtjev za smjenu predsjedavajućeg Predstavničkog doma Parlamenta Federacije BiH, na osnovu člana 11. Poslovnika Predstavničkog doma zbog neodržavanja sjednica Doma; gubitka povjerenja zastupnica i zastupnika, nebrige za građane pogođene poplavama i prirodnim nesrećama, ignorisanja fiskalne reforme i ekonomskih prioriteta, ograničavanja predstavničkih prava i transparentnosti rada i nedostatka liderstva i odgovornosti.

Članovi Komisije za izbor i imenovanje su u raspravi o ovoj tački dnevnoga reda istakli da zahtjev za razrješenje nije dostavljen od ovlaštenog predlagача s obzirom na to da je odredbama člaka 38. stav 3. Poslovnika propisano da klubovi zastupnika podnose prijedlog za izbor predsjedavajućeg te da Komisija smatra da primjenjujući odredbe člana 131. Poslovnika, klub zastupnika koji je predložio izbor predsjedavajućeg je nadležan predložiti njegovo razrješenje.

Osim toga, članovi Komisije smatraju da predlagач ovog zahtjeva nije dostavio nikakve dokaze kojima bi argumentovao navode iz zahtjeva, već je samo u zahtjevu pobrojao razloge za smjenu. Član Komisije gosp. Mioković nije glasao o ovoj tački dnevnog reda.

Članovi Komisije su sa sedam glasova „za“ donijeli sljedeći

ZAKLJUČAK

- **Odbacuje se zahtjev za razrješenje predsjedavajućeg Predstavničkog doma gosp. Dragana Miokovića iz razloga što nije pravno zasnovan u skladu s odredbama Poslovnika Predstavničkog doma.**

AD-2 Razmatranje prijedlogâ u vezi s formiranjem Odbora za istragu i praćenje aktivnosti u vezi sanacijom šteta prouzrokovanih poplavama i klizištima iz oktobra 2024. godine

Predstavnički dom Parlamenta Federacije BiH je dana 2.4.2025. godine, na svojoj 19.redovnoj sjednici donio Zaključak kojim se formira povremeno radno tijelo-Odbor za istragu i praćenje aktivnosti u vezi sa sanacijom šteta prouzrokovanih poplavama i klizištima iz oktobra 2024.godine.

S obzirom da će Odbor činiti predstavnici svih političkih subjekata u aktuelnom sazivu Predstavničkog doma, Komisiji za izbor i imenovanje je dostavljen spisak imena, koji će sačiniti prijedlog i dostaviti isti na usvajanje Predstavničkom domu.

U Odbor za istragu i praćenje aktivnosti u vezi sa sanacijom šteta prouzrokovanih poplavama i klizištima iz oktobra 2024. godine izabrani su: Fuad Abaspahić, Amir Purić, Ajla Milišić-Pepić, Marijan Marjanović, Amir Ibrović, Haris Šabanović, Luka Faletar i Sandi Salkić.

Nakon rasprave o ovoj tački dnevnog reda, Komisija za izbor i imenovanje s osam glasova za, predlaže Prijedlog zaključka kojim se formira **Odbor za istragu i praćenje aktivnosti u vezi sa sanacijom šteta prouzrokovanih poplavama i klizištima iz oktobra 2024. godine**, radi donošenja.

U prilogu izvještaja: Prijedlog zaključka


AD-3 Tekuća pitanja

Prijedlog izmjene člana Zajedničke radne grupe komisija za izbor i imenovanje oba Doma Parlamenta FBiH iz Doma naroda, broj 02-02-645/24 od 20. 3. 2025.godine

Predsjedavajući Doma naroda je obavijestio Komisiju za izbor i imenovanje Predstavničkog doma da je Dom naroda na 17.redovnoj sjednici održanoj 20.3.2025.godine usvojio prijedlog kojim je u Zajedničku radnu grupu komisija za izbor i imenovanje oba doma Parlamenta Federacije Bosne i Hercegovine, umjesto Mirnesa Bašića, imenovao Harisa Zahiragića. Komisija za izbor i imenovanje je primila na znanje ovu obavijes .

PREDSJEDNIK KOMISIJE

dr. Mladen Bošković



Prijedlog

Na osnovu člana 44. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br: 69/07, 2/08, 26/20 i 13/24), u skladu sa Zaključkom broj: 01_02-826/25, donesenog 2. 4. 2025. godine, Predstavnički dom Parlamenta Federacije Bosne i Hercegovine, na sjednici održanoj ____ . 2025. godine, donosi sljedeći:

ZAKLJUČAK

I

Formira se povremeno radno tijelo - *Odbor za istragu i praćenje aktivnosti u vezi sa sanacijom šteta prouzrokovanih poplavama i klizištima iz oktobra 2024. godine*

II

U skladu s nadležnostima propisanim Ustavom Federacije BiH i Poslovníkom Predstavničkog doma, ovaj Odbor formira se u mandatnom periodu 2022.-2026. godina radi obavljanja sljedećih poslova:

- provodi istragu u vezi s radnjama i procesima vezanim uz poplave i klizišta iz oktobra 2024. godine u Federaciji BiH,
- prati provođenje mjera i aktivnosti nadležnih institucija Federacije BiH, kantona i jedinica lokalne samouprave vezanih za sanaciju posljedica prirodne nesreće,
- analizira namjensko korištenje domaćih i donatorskih sredstava u procesu pomoći pogođenim područjima,
- uspostavlja redovnu komunikaciju s resornim ministarstvima, javnim ustanovama i nevladinim organizacijama uključenim u sanaciju,
- podnosi izvještaje Predstavničkom domu Parlamenta Federacije BiH o nalazima, preporukama i eventualno uočenim nepravilnostima.

III

Članovi odbora su:

1. Fuad Abaspahić
2. Amir Purić
3. Ajla Milišić-Pepić
4. Marijan Marjanović
5. Amir Ibrović
6. Haris Šabanović
7. Luka Faletar
8. Sandi Salkić.

IV

Administrativna i tehnička podrška radu Odbora bit će osigurana putem Stručne službe Predstavničkog doma Parlamenta Federacije Bosne i Hercegovine.

V

Ovaj Zaključak stupa na snagu danom donošenja i bit će objavljen u "Službenim novinama Federacije BiH".

PD PFBiH, broj: 01-02---/25

_____. 2025

Sarajevo

**PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH**

Dragan Mioković